

**Aalisarnermut, piniarnermut nunalerinermullu tapersiisarneq pillugu  
Inatsisartut peqqussutaat nr. 10. 12. november 2001-imeersoq.**

Kalaallit Nunaanni inuutissarsiutinut tapersiisarnernut inatsimmi nr. 134, 28. marts 1984-imeersumi § 1 naapertorlugu aalajangersarneqarput:

**Kapitali 1.**

*Inuussutissarsiutinut tapersiisarnikkut siunertat tunngaviillu*

§ 1. Aalisarnermik, piniarnermik nunalerinermillu inuussutissarsiutit pissarsiviulluartartut unammillersinnaasullu siuarsarneqarnissaat siunertaralugu kapitali 3-mi aamma 4-mi allassimasutut annertutigisunik inunnt ingerlatseqatigiiffinnulluunniit inuussutissarsiutinik pineqartunik Kalaallit Nunaanni ingerlatsisinnaatitaasunut Kalaallit Nunaanni aalajangersimasumik najugaqartunut angerlarsimaffeqartunulluunniit Namminersornerullutik Oqartussat tapiissuteqarsinnaapput.

§ 2. Tapersiissuteqartoqarnissaa, tapiissutit annertussusissaat atugassarititaasussallu pillugit apeqqutinik aalajangiiniarnermi makkua isiginiarneqassapput:

- 1) Inuussutissarsiutissatut siunertanut inuiaqatigiit aamma aningaasassaqaarniarnerup tungaanit isigalugu siuarsassallugit kissaatigineqartunut pingaartumik tapiissuteqartoqartassaaq,
- 2) aatsaat tapiissuteqartoqarsinnaavoq aningaasaliineq inuussutissarsiornermi ineriartortitsinnermut kissaatigineqartumut naapertuuppat,
- 3) aatsaat tapiissuteqartoqarsinnaavoq ingerlatassanut teknikikkut illersorneqarsinnaasunut, aammalu piffissaq ungasinnerusoq eqqarsaatigalugu aningaasarsiornissanut tunngatillugu ingerlaannarsinnaasunut,
- 4) qinnuteqartup suliamut tunngatillugu piginnaasani uppersarsassavai taakkunuuna takuneqarsinnaanngorlugu qinnuteqartup angallatip imaluunniit nunaateqarfiup tapiiffigineqarnissamik qinnuteqarfiusup ingerlanneqarnissaata illersorneqarsinnaasumik isumannaarneqarnissaanut ingerlatsinikkut aqutsinikkullu piginnaassutsit pisariaqartinneqartut naammassisimagai,
- 5) aatsaat tapiissuteqartoqarsinnaavoq taarsigassarsiniartooq nammineerluni aningaasaliissuteqassappat pilersinniakkap pisiarinerani akit taakkulu ilaasa kapitali 3-mi aamma 4-mi, aalajangersakkat malillugit taarsigassarsianit aningaasaliivigineqarsinnaasut akornanni assigiinnngissutsip ikinnerpaamik amerlaqataannik,
- 6) nammineerluni aningaasaliissutissat minnerpaamik affaat pigineqariissapput tassaassallutik taarsigassarsiniartup nammineq aningaasanngorlugit pigisai, sinnerilu akuersissuteqarnikkut allanit Namminersornerullutik Oqartussaniunngitsoq taarsigassarsinikkut pissarsiarineqarsinnaallutik,
- 7) angallatitaarnissamat imaluunniit nunaateqarfimmik nutaamik

ingerlatsilernissamut tapiissuteqartoqarsinnaanngilaq, §§-ini 6-imi aamma 25-mi pissutsit taaneqartut eqqaassanngikkaanni, taarsigassarsiniartuq pisortanut imaluunniit illumut/ineqarnermut tunngatillugu akiligassanik akilereersimasassanik akiligassaqarpat,

8) missingersuutinik allanillu atorneqarsinnaasunik naleqquttunik pisariaqartinneqartunik naliliineq aallaavigalugu angallatip imaluunniit nunaateqarfiup aningaasaqarnikkut illersorneqarsinnaasumik ingerlanneqarneranit annerusumik tapiissuteqartoqarsinnaanngilaq.

## **Kapitali 2.**

### *Inuussutissarsiutinut ataasiakkaanut tapiissutit*

#### *Aalisarnej piniarnerlu*

**§ 3.** Inuussutissarsiutigalugu aalisarnermut piniarnermullu atugassanik motooreqareersunik nutaanik angallatitaarniartunut, nunami tunisassiorfinnut imaluunniit umiarsuarmut tunitsivimmut, Naalakkersuisut immikkut akuersissuteqarnerisigut tunitsivissanngortitaasumut, pisatik tamakkerlugit tulaassisartunut, ernialinnik taarsigassarsisitsisoqarsinnaavoq aamma erniaqanngitsunik taarsersugassaannngitsunillu taarsigassarsisitsisoqarsinnaavoq imm. 2-miit 9-mut aalajangersakkat malillugit.

*Imm. 2.* Angallatinik imm. 1-imi pineqartunik, taamaallaat annerusumilluunniit saattuarniarnermut qaleralinniarnermulluunniit atorneqartussanik, minnerpaamillu 9,4 meteritunik takissuseqartunik pissarsinermut tapersiisoqarsinnaavoq aningaasaliissutit imatut annertussusilerlugit:

- |   |        |
|---|--------|
| 1) Taarsigassarsiat erniallit                                 | : 60 % |
| 2) Taarsigassarsiat erniaqanngitsut akilersugassaannngitsullu | : 30 % |
| 3) Nammineq aningaasaliissutit                                | : 10 % |

*Imm. 3.* Qinnuteqartunut Aasiaat, Qasigiannugit, Ilulissat, Qeqertarsuup, Uummannaq Upernaviulluunniit kommuniini najugaqartunut, imm. 2-milu aalajangersagaq malillugu angallammik, taamaallaat annerusumilluunniit qaleralinniarnermut atorneqartussamik, pissarsinissamut tapersernejqaqqusunut, tapersernejqarnissamut piunasaqaatigineqarsinnaavoq qinnuteqartut kingusinnerpaamik tapersiissutit tunniunneqarnerannut atatillugu umiatsiaaqqamik ikkuttakkamik motoorilimmik arlalinnilluunniit qaleralinniarunnaarsitsinissaa.

*Imm. 4.* Imm. 1 naapertorlugu angallatinik pisinermut tapersiissutit, pingaartumillu Qaanaami eqqaanilu aamma Tunumi taamaallaat atorneqartussanik, imatut aningaasalersorneqassapput:

- |   |        |
|---|--------|
| 1) Taarsigassarsiat erniallit                                 | : 50 % |
| 2) Taarsigassarsiat erniaqanngitsut akilersugassaannngitsullu | : 45 % |
| 3) Nammineq aningaasaliissutit                                | : 5 %  |

*Imm. 5.* Angallatinut Qaanaami eqqaanilu imaluunniit Tunumi atorneqartussanut, imm. 4 malillugu, piunasaqaataavoq taarsigassarsiniartup sumiiffimmi pineqartumi aalajangersimasumik najugaqarnissaa aamma angallatip sumiiffimmi pineqartumi angerlarsimaffeqaarnissaa. Taarsigassarsisoq sumiiffimmut allamut nuussappat imaluunniit angallat sumiiffimmi pineqartumi atorneqarunnaassappat, tapersiissutit akuersissutigineqarsimasut imm. 2-mi allassimasutut procentinngorlugu annertussutsinut allannngortinneqaarnissaat piunasaqaataasinnaavoq.

*Imm. 6.* Imm. 1 naapertorlugu angallatinut, angallammik umiuneq imaluunniit tamakkiisumik ajutoorneq pissutigalugu taartaasussamik pisaarniarnermut, piunasaqaatit makku naammassineqarsimappata, tapiissuteqartoqarsinnaavoq:  
1) Angallat umiusoq sillimmaserneqarsimassaaq, angallatillu sillimmasersimaneranut taarsiissutissaq tunniunneqarsimassaaq,  
2) sillimmasersimanermut taarsiissutissap ilaa angallammut umiusumut qularnaveeqqusinermi akiligassanut matussutissatut atorneqanngitsoq angallatip nutaap aningaasalersorneqarneranut atorneqarsinnaassaaq,  
3) angallammik umiusumi akiligassat qularnaveeqqusigaasimasut akilernerqarsimassapput, angallammik nutaamik pisaarniarnermi taarsigassarnissamik neriorsuisoqartinnagu, aamma  
4) angallat pissarsiarineqartoq aalisakkanik allanik raajaanngitsunik aalisarnermi atorneqassaaq.

*Imm. 7.* Imm. 6 naapertorlugu angallatinik pisineranut tapersiissutit imatut aningaasalersorneqassapput:

- |   |        |
|---|--------|
| 1) Taarsigassarsiat erniallit                                 | : 60 % |
| 2) Taarsigassarsiat erniaqanngitsut akilersugassaannngitsullu | : 30 % |
| 3) Nammineq aningaasaliissutit                                | : 10 % |

Imm. 6, naapertorlugu sillimmasersimanermi taarsiissutip ilaa ilaatigut angallatip nutaap aningaasalersorneqarneranut atorneqartoq, pingaarnerutillugu naatsorsuutigisamik nammineq aningaasaliissutinut aamma sillimmasersimanermut taarsiissutip sinnera taarsigassarsiat erniaqaratillu akilersugassaannngitsut ikilisinneqaarnissaannut atorneqassaaq.

*Imm. 8.* Imm. 2-miit 7-imut taaneqartuni aningaasalersuineq § 9 naapertorlugu pisinermi aningaasartuutinit tamarmiusunit naatsorsorneqassaaq. Nammineq aningaasaliissutit minnerpaamik amerlassuseqassapput, aamma taarsigassarsiat erniaqanngitsut akilersugassaannngitsullu annerpaamik amerlassuseqarsinnaapput pisinermi akiusup aalajangersakkani procentinngorlugu avinnerisigut taaneqartutut. Illuatungaani taarsigassarsiat erniallit annerpaamik amerlassuseqarsinnaapput pisinermi akiusup illuatungaani taarsigassarsiat erniaqanngitsut akilersugassaannngitsullu aamma nammineq aningaasaliissutit akornanni nikingassutaasutut.

*Imm. 9.* Imm. 2-miit 7-imut taaneqartuni taarsigassarsianut erniallannut kiisalu taarsigassarsianut erniaqanngitsunut akilersugassaannngitsunullu akilersuiffissap sivirususissaa imatut aalajangersarneqarpoq:

- |  |            |
|--|------------|
| 1) Angallatinut qisummik sisammilluunniit sanaanut | : ukiut 20 |
| 2) Angallatinut glasfiberimik sanaanut             | : ukiut 15 |

§ 4. Angallatinik atornikunik nunatsinni pissarsiarineqartunik pisaarniarnernut imm. 2-miit 5-imut aalajangersakkat malillugit tapiissuteqartoqarsinnaavoq.

*Imm. 2.* Imm. 1 malillugu taamaallaat tapiissuteqartoqarsinnaavoq Namminersornerullutik Oqartussanit siusinnerusukkut angallammut taarsigassarsianik ernialersukkanik imaluunniit taarsigassarsianut qularnaveequsiissutinik, aamma aatsaat angallat aallaqqaataanit siunertarisamut suli atorneqassappat.

*Imm. 3.* Imm. 1 malillugu angallatinik aningaasalersuineranut annertunerpaanik tapiissutissanik naatsorsuinermit naatsorsuineranut tunngaviusutut taarsigassarsisitsinermit naligititaasut aalajangersarneqassapput. Taarsigassarsisitsinermit naligititaasut imatut malittarisqaarluni aalajangersarneqassapput:

- 1) Angallatip pisiarineqarnerani siullermik akigititaasut tamarmiusut siullermik taarsigassarsisitsinermit angallammut naligititaasutut annertussuseqassapput,
- 2) piffissap nalikilliliiffiup naareernerani ukiuni qulini angallatip nalingata sinnera siullermik taarsigassarsisitsinermit naligititaasut 5%-iannik annertussusilerneqassaaq,
- 3) siullermik taarsigassarsisitsinermit naligititaasut angallatinut qisummik sisammilluunniit sanaanut ukiut 30-t aamma angallatinut glasfiberimik sanaanut ukiut 20-t ingerlanerini assigiiaamik nalikillilerneqassapput aamma ukiumoortumik nalikilliliinerit siullermik taarsigassarsisitsinermit naligititaasunit naatsorsorneqassapput,
- 4) taarsigassarsisitsinermit naligititaasut appartinneqartoq Namminersornerullutik Oqartussat angallammut tunngatillugu akiligassanik isumakkeerinnissutigisinnaasaasa amerlaqataannik annikillisinneqassaaq, taamaattorli tunisisup angallammut tunngatillugu akiligassaasa sinnerinit ikinnerungitsunut,
- 5) taarsigassarsisitsinermit naligititaalersut taamaalillutik annertussuseqalissapput siullermik taarsigassarsisitsinermit naligititaasut piffissami ingerlareersumi nalikilliliissutinik ilanngarlugit aamma akiligassanik isumakkeerinnissutaasinnaasut ilanngaatilugit, aamma
- 6) tunisisoq imaluunniit siusinnerusukkut piginnittuusimasut ukiuni kingullerit qaangiuttuni qulini angallammut tunngatillugu annertuumik allannortiterisimappata imaluunniit iluarsaarnik suliaqarsimappata, taarsigassarsisitsinermit naligititaasut allannortiterinermit imaluunniit iluarsaarnik akiusup annertoqataannik ukiuni qulini assigiiaartumik nalikilli-leereernerup kingorna qaffanneqassaaq.

*Imm. 4.* Imm. 1 naapertorlugu angallatitaarniarnermi tunisisup aningaasalersorneqarsimaneratut aningaasalersuineratalimmik tapiissuteqartoqarsinnaavoq, taamaattorli imatut nammineq aningaasaliissutit taarsigassarsisitsinermit naligititaasut aamma angallatip pissarsiarinerani akiusup assigiinngissutaattut annertutigissallutik aamma pissarsiarinerani akiusup minnerpaamik 10%-iatut. Taamaattorli annertunerpaamik ernialersugaanatillu akilersuutitaqanngitsunik taarsigassarsisitsisoqarsinnaavoq, tunisisup ernialersugaanatillu akilersuutitaqanngitsunik taarsigassarsiaasa sinnerisa amerlaqataannik.

*Imm. 5.* Imm. 1 naapertorlugu tapiissuteqartoqarsinnaavoq piffissap tunisisumut tapiissutaasut sinnerisa akilersorneqarnissaasut sivisoqataatut sivissusilimmik akilersuiffissalimmik. Taamaattorli piffissamik akilersuiffissamik

aalajangiisoqarsinnaavoq angallatip piunissaata sinneruttut naatsorsuutigisaasup sivisoqataanik taamaattorli ukiunik qulinik sivisunerpaaffissalerlugu.

**§ 5.** §§-ini 3 aamma 4-mi taarsigassarsianut ernialinnut akilersuiffissap sivisussusissaa imaalillugu aalajangerneqassaaq, tassa akilersuut siulleg kingusinnerpaamik angallatip tunniunneqarneraniit ukiup ataatsip qaammatillu arfinillit qaangiunneranni akileqquneqassalluni.

**§ 6.** Umiatsiaaqqanik sanarlaanik 16 fodinik minnerpaamik takissusilinnik ikkuttakkanik motoorilinnik inuussutissarsiutigalugu aalisarnermut piniarnermulluunniit imaluunniit inuussutissarsiutigalugu nunalerinnermut atatillugu assartuinnermut atorneqartussanik pisinnermut imm. 2-miit 5-imut aalajangersakkat malillugit tapiissuteqartoqarsinnaavoq, umiatsiaaqqat sukkulluunniit nunatsinni umiatsiaaqqanut inuussutissarsiutigalugit atorneqartunut teknikikkut minnerpaamik piunissaqaataasunik naammassinnissimappata. Qinnuteqaatit suliarineqarneranni pisuussutit uumassusillit, inuussutissarsiutigalugu umiatsiaaqqat amerlassusiisa tunitsiviusinnaasullu akornanni pitsaasumik oqimaaqatigiissitsiniartoqassaaq.

*Imm. 2.* Tapiissuteqartoqarsinnaavoq qinnuteqaateqartunut nunalerinnermut siunertanut inuussutissarsiutinut tapersiivigineqarsimasunut imaluunniit Naalakkersuisut erseqqinnerusumik aalajangersaanerisigut uppersarsaasunut:  
1) Pineqartup isertitai tamarmiusut umiatsiaaqqamit qimussimilluunniit aalisarnikkut piniarnikkulluunniit imaluunniit snescooterit atorlugit aalisakkanik pisanilluunniit assartuinnikkut, ukiumi inaarutaasumik akileraaruteqarfiusumi kingullermi akileraartarnermi ilanngaatinik tamanik ilanngaassisoqannginnerani pissarsiarineqarsimasut, pineqartup toqqakkatut suliaqartitaanermit isertitai ilanngaatigereerlugit, akissarsiaasa tamarmiusut ilanngaatitaqanngitsut ikinnerpaamik 50%-erissagaat, aamma  
2) qinnuteqaateqartup ukiup inaarutaasumik akileraaruteqarfiusup kingulliup naaneraniit piffissamut qinnuteqaateqarfiusumut umiatsiaaqqamit qimussimilluunniit aalisarnikkut piniarnikkulluunniit imaluunniit snescooterit atorlugit aalisakkanik pisanilluunniit assartuinnikkut aningaasarsiami tamarmiusut minnerpaamik 50%-ii suli pissarsiarisassagai.

*Imm.3.* "Aningaasarsiat tamarmiusut umiatsiaaqqamit qimussimilluunniit aalisarnikkut piniarnikkulluunniit imaluunniit snescooterit atorlugit aalisakkanik pisanilluunniit assartuinnikkut pissarsiarineqarsimasut" paasineqassapput tunisinermi tuniniaanermilu isertitai tamarmiusut, akileraarusiisoqartinnagu aamma isertitanik pissarsinnermut atatillugu aningaasartuutit ilanngaatigineqarsinnaasut tamaasa ilanngaatigineqartinnagit. Umiatsiaaqqamit allamit qinnuteqartumiunngitsoq pigineqartumit aalisarneq piniarnerluunniit pineqarpat, aningaasarsiatut tamarmiusutut aamma paasineqassapput akissarsiat, akileraarusiisoqartinnagu aamma ernianut aningaasartuutit, akileraartarnermi ilanngaatissat assigisaallu ilanngaatigineqartinnagit.

*Imm. 4.* "Aningaasarsiatut ilanngaatitaqanngitsut tamarmiusut" paasineqassapput aningaasarsiat A-t B-llu akileraaruteqaataasussat tamarmik, akileraarusiisoqartinnagu aamma ernianut aningaasartuutit, akileraartarnermi ilanngaatissat, aningaasartuutit ilanngaatigineqarsinnaasut assigisaallu ilanngaatigineqartinnagit.

*Imm. 5.* Imm. 1 malillugu tapersiivigineqartoqassaaq umiatsiaaqqap pisiarinerani akit 75%-ii tikillugit tapiissuteqarnikkut. Umiatsiaaraq taamaallaat imaluunniit

pingaarnerusumik Qaanaap eqqaani imaluunniit Tunumi atorneqassappat umiatsiaaqqap pissarsiarinerani akiata 84%-ianik tapiissuteqartoqassaaq.

Umiatsiaaqqamut umiusimasumut aserorsimasumulluunniit qinnuteqaateqartup tamanna tikillugu pigisimasaanut sillimmasiissutitigut taartisisoqarsimappat umiatsiaaqqamut nutaamut pisiarinerani akit tapiissuteqarfigineqarsinnaasut sillimmasiissutitigut taarsiissutit amerlaqataannik ilanngarneqassapput.

*Imm. 6.* Imatut atugassaqartitsilluni tapiissuteqartoqassaaq, tapiissutit utertinneqarnissaat pi-umasaqaatigineqarsinnaalluni umiatsiaaraq pisaarineqartoq Naalakkersuisut siumut isumaqatigiissuteqarfigeqqaarnagit pisaarineraniit ukiut tallimat qaangiutsinnagit allanut tunineqarpat imaluunniit tapiissuteqarfigineqartoq taaneqartutut piffissap ukiut tallimat ingerlanerini imm. 2, nr. 1-imi isertitatigut piumasqaataasunik aalajangersakkanik naammassinnissinnaanngittuarsinnarpat.

*Imm. 7.* Imm. 1-imiit 6-imut aalajangersakkat qanorluunniit ikkaluarpata Aasiaat, Qasigiannugit, Ilulissat, Qeqertarsuup, Uummannap Upernaviulluunniit kommuniini najugaqartunut umiatsiaaqqanik aquutralattalinnik pisaarniarlutik qinnuteqartunut tapiissuteqartoqarsinnaanngilaq.

**§ 7.** Angallatinut § 3, § 4, aamma § 6 malillugit aningaasalersorneqartunut pisinermi akigititaasunut ilaapput isumaqatigiissummi akigititassatut isumaqatigiisutit, aalisarnermut atortussanut pisariaqartinneqartunut pisinermi aningaasartuutit, kvartalimut sillimmasiissutinut akiliutit kiisalu angallatip tiguneqarnerani aningaasartuutit allat il.il. angallatip angerlarsimaffianiit aalisalersitsinissamut angallatip tamakkiisumik atortulersornissaanut pisariaqartinneqartutut naatsorsuutigineqartut.

*Imm. 2.* Angallatinut nutaanut pisaartoqarnerani aningaasartuutininik appartitsinissamut allaniit toqqaannartumik tapiissuteqartoqarpat pisiarinerani akit tapiissutit ilanngaatiginagit naatsorsorneqassapput, aamma taarsigassarsiat erniaqanngitsut akilersugassaanngitsullu aalajangersakkat siuliiniittut malillugit tapiissutit nalingannik annikillisinneqassapput.

**§ 8.** Inuussutissarsiutigalugu aalisarnermut piniarnermulluunniit angallatinik motooreqareersunik allanngortiterinermut iluarsaassiner mulluunniit imaluunniit atortunik, motorinik, sillimaniarnermut atortunik aamma teknikkkut atortulersuutinik allanik angallatinut taamaattunut pisinernut imm. 2-miit 5-imut aalajangersakkat malillugit ernialinnik taarsigassarsisitsisoqarsinnaavoq aamma ernialersugaanngitsunik akilersugassaanngitsunillu taarsigassarsisitsisoqarsinnaalluni, piumasqaatit uku naammassineqarsimappata:

- 1) angallammut maannakkut imaluunniit siusinnerusukkut piginnittunut peqqussut una imaluunniit inuussutissarsiutinut tapersiisarneq pillugu maleruagassat siusinnerusukkut atuuttut malillugit taarsigassarsianik ernialersukkanik imaluunniit taarsigassarsianut qularnaveeqqusiissutinik tapiissuteqartoqarsimassasoq,
- 2) angallatinut qisunnut sisannulluunniit tunngatillugu angallat ukiut 30-t sinnerlugit pisoqaassuseqassanngitsoq aamma angallatinut glasfiberinut ukiut 20-t sinnersimassanagit, aammattaaq angallammi inuussutissarsiutinut tapersiisarnermit taarsigassarsiaqartoqanngippat, aamma
- 3) angallat sillimmaserneqarsimassasoq aamma taarsigassarsiallip sillimmasiiner mullu akiliutissaq kingulleq akilereersimassagaa.

*Imm. 2.* Imm. 1 malillugu aalisarnermut atortunik pisinermut aamma

annikinnerusumik iluarsaassinissanut aammalu teknikikkut atortulersuutitut  
annikinnerusunut imatut tapiissuteqartoqarsinnaavoq aningaasalersuinerit imatut  
amerlassusilerlugit:

- 1) Taarsigassarsiat erniallit : 90 %
- 2) Nammineq aningaasaliissutit : 10 %

*Imm. 3.* Imm. 1 malillugu allanngortiterinernut aamma annertuunik iluarsaanernut,  
motoorinik aammalu teknikikkut atortulersuutitut annertunerusunik allanik  
pisinernut kiisalu isumannaallisaatinik pisiortornernut imatut  
tapiissuteqartoqarsinnaavoq aningaasaliissutit imatut amerlassusilerlugit:

- 1) Taarsigassarsiat erniallit imaluunniit taarsigassarsianut : 60 %  
qularnaveeqqusiissutit
- 2) Taarsigassarsiat erniaqanngitsut akilersugassaannngitsullu : 30 %
- 3) Nammineq aningaasaliissutit : 10 %

*Imm. 4.* Imm. 2 aamma 3-mi aalajangersakkat malillugit taarsigassarsiat erniallit  
aamma erni-alersugaanatillu akilersugassaannngitsunik taarsigassarsiat annerpaamik  
amerlassuseqarsinnaapput sanaartornermi aningaasartuutit illuatungaanilu  
taarsigassarsiaasinnaasut erniaqanngitsut akilersugassaannngitsullu aamma nammineq  
aningaasaliissutit akornanni nikingassutaasut. Taarsigassarsiat erniaqanngitsut  
akilersugassaannngitsullu annerpaamik aamma nammineq aningaasaliissutit  
minnerpaamik amerlassuseqassapput sanaartornermi aningaasartuutit  
procentinngorlugu avinnerisut taaneqartut. Taamaattoq imm. 2 malillugu  
tapersiissuteqarneq angallatip aalisarnermut allamut ikaarsaariarneranut atatillugu  
imm. 2 malillugu tapersiissuteqarneq pineqarpat nammineq aningaasaliissutit 5%-  
imut appartinneqarsinnaapput taamaaqataanik taarsigassarsiat erniallit  
qaffanneqarnerisigut.

*Imm. 5.* Imm. 1-imiit 3-mut aalajangersakkat malillugit taarsigassarsianut  
imaluunniit taarsigassarsianut qularnaveeqqusiissutitut piffissaq akilersuiffissaq  
imatut sivisunerpaaffilerneqarsinnaavoq:

- 1) Aalisariutip tunniunneqareernerata kingorna pissarsiarineqartunut aalisarnermi  
atortunik pisinermut tapiissuteqartoqarpat, ukiunut tallimanut.
- 2) Iluarsartuussinernut annikinnerusunut aammalu teknikikkut atortulersuutitut  
annikinnerusunut tapiissuteqartoqarpat, ukiunut tallimanut.
- 3) Isumannaallisaatinut tapiissuteqartoqarpat, ukiunut tallimanut.
- 4) Allanngortiterinernut, annertunerusunik iluarsartuussinernut, motoorinik aamma  
teknikikkut atortulersuutitut annertunerusunik pisinermut tapiissuteqartoqarpat,  
ukiunut qulinut.

### *Nunalerineq*

§ 9. Nunalerinermut siunertanut inuussutissarsiummut atatillugu illuutit, nammineq  
illuliatut sanaartorneqartut allilerneqartulluunniit sanaartornerinut, pigisarilernerinut

allilerneqarnerinulluunniit imatut aningaasalersuinertalerlugu  
tapiissuteqartoqarsinnaavoq:

- 1) Taarsigassarsiat erniallit : 15 %
- 2) Taarsigassarsiat ernialersugaanngitsut akilersugassaanngitsullu : 75 %
- 3) Nammineq aningaasaliissutit : 10 %

*Imm. 2.* Piginnittumut, atuisumut, aqutsisumut ikiortimulluunniit nammineq  
illulianik sanaartornermut pigisarinnilersitsinermulluunniit imm. 1-imi taaneqartutut  
imatut aningaasalersuinertalimmik tapiissuteqartoqarsinnaavoq:

- 1) Taarsigassarsiat ernialersugaanngitsut akilersugassaanngitsullu : 95 %
- 2) Nammineq aningaasaliissutit : 5 %

*Imm. 3.* Taamatuttaaq imm. 2-mi pineqarpoq innaallagissersuinermut sanasunullu  
nammineq illuliassap toqqavissaanik sananermi ikiortinut  
taarsigassarsisitsisoqarsinnaavoq. Taarsigassarsiat imatut aningaasalersuinertalerlugit  
tapiissutigineqassapput:

- 1) Taarsigassarsiat erniallit : 60 %
- 2) Taarsigassarsiat ernialersugaanngitsut akilersugassaanngitsullu : 30 %
- 3) Nammineq aningaasaliissutit : 10 %

*Imm. 4.* Imm. 1 malillugu taarsigassarsinermut atatillugu sanaartorneqartunik  
assigisaannillu pisariaqartinneqartumik ikiorteqarnermut ernialersukkanik  
taarsigassarsisitsisoqarsinnaavoq.

*Imm. 5.* Imm. 1 aamma 3 malillugit taarsigassarsianut piffissaq akilersuiffissaq  
sivisunerpaamik ukiunut 25-nut aalajangersarneqarpoq. Imm. 4 malillugu  
taarsigassarsianut piffissaq akilersuiffissaq sivisunerpaamik ukiunut qulinut  
aalajangersarneqarpoq.

**§ 10.** Illut § 9-mi aalajangersakkanut ilaasut innaallagissiorfissaannik  
sanaartornermut pisinermulluunniit imatut aningaasalersuisoqarluni  
tapiissuteqartoqarsinnaavoq:

- 1) Taarsigassarsiat erniallit : 30 %
- 2) Taarsigassarsiat ernialersugaanngitsut akilersugassaanngitsullu : 60 %
- 3) Nammineq aningaasaliissutit : 10 %

*Imm. 2.* Imm. 1 malillugu taarsigassarsianut piffissaq akilersuiffissaq  
sivisunerpaamik ukiunut qulinut aalajangersarneqarsinnaavoq.

**§ 11.** Nersutaatissarsinernut kiisalu snescooterisinernut imatut  
aningaasalersuisoqarluni tapiissuteqartoqarsinnaavoq:

- 1) Taarsigassarsiat erniallit : 90 %
- 2) Nammineq aningaasaliissutit : 10 %



*Imm. 2.* Maskiinarsinernut, atortussarsinernut assigisaannillu pisinernut imatut aningaasalersuisoqarluni tapiissuteqartoqarsinnaavoq:

- 1) Taarsigassarsiat erniallit : 57 %
- 2) Taarsigassarsiat ernialersugaanngitsut akilersugassaanngitsullu : 33 %
- 3) Nammineq aningaasaliissutit : 10 %

*Imm. 3.* Imm. 1 aamma 2 malillugit taarsigassarsianut piffissaq akilersuiffissaq sivisunerpaamik ukiunut qulinut aalajangersarneqarsinnaavoq.

**§ 12.** Nunagissaanernut taamatuttaaq narsaasiornernut nunagissaamermullu, marraasarterinernut, paqqersaanernut, kalkilersuinernut naggorissaasersuinernut narsaatinullu aqqusinniornernut imatut tapiissuteqartoqassaaq aningaasalersuutit imatut amerlassusilerlugit:

- 1) Taarsigassarsiat ernialersugaanngitsut akilersugassaanngitsullu : 70 %
- 2) Nammineq aningaasaliissutit : 30 %

*Imm. 2.* Imerterutinik, ungalunik assigisaannillu pisinernut imatut tapiissuteqartoqassaaq ani-ngaasalersuutit imatut amerlassusilerlugit:

- 1) Taarsigassarsiat erniallit : 30 %
- 2) Taarsigassarsiat ernialersugaanngitsut akilersugassaanngitsullu : 60 %
- 3) Nammineq aningaasaliissutit : 10 %

*Imm. 3.* Imm. 1 aamma 2 malillugit taarsigassarsianut piffissaq akilersuiffissaq sivisunerpaamik ukiunut qulinut aalajangersarneqarsinnaavoq.

**§ 13.** Pigisat nalillit, § 9-mi, § 10-mi aamma § 11-mi aalajangersakkanut ilaatinneqartut, iluarsarneqarnerinut ernialinnik taarsigassarsisitsisoqarsinnaavoq imaluunniit taarsigassarsianut qularnaveeqqusiisoqarsinnaalluni kiisalu erniaqanngitsunik taarsersugassaanngitsunillu taarsigassarsisitsisoqarsinnaalluni, pigisat nalillit pisaarinerini aalajangersakkanisut annertutigisunik, taamaattorli matumani taarsigassarsiat taarsersornissaat sivisunerpaamik ukiuni qulini ingerlassasoq aalajangerneqarsinnaalluni.

**§ 14.** Nunaatilittut aallarteqqaarnermut atatillugu §§ 9, 10, 11 aamma 12-imi aalajangersakkat malillugit imatut tapiissuteqartoqarsinnaavoq nammineq aningaasaliissutit 5 %-inut aalajangersarneqarlutik. § 9, imm. 1, aamma § 12, imm. 2 malillugit tapiissuteqartoqartillugu taamatut annertussusilimmik taarsigassarsiat ernialersugaanngitsut akilersugassaanngitsullu amerlisinneqassapput. §§ 10, 11, aamma 12, imm. 2 malillugit tapiissuteqartoqartillugu taamatut annertussusilimmik taarsigassarsiat erniallit amerlisinneqassapput. Aalajangersagaq atorneqassanngilaq taarsigassarsisoq nunaateqarfiusumut piginneqataaffigeriikkaminut piginneqataalissappat.

*Imm. 2.* Nunaatilittut aallarteqqaarnermi, pingaartumik tunisassiorneq savaateqarnermik tunngaveqarpat, taamaallaat peqqussut manna malillugu tapiissuteqartoqarsinnaavoq taarsigassarsisoq nunaateqarfioersumik

taassumaluunniit ilaanik pissarsippat.

*Imm. 3.* Imm. 1 aamma 2 malillugit aningaasaliissutini annertusisamik tapiissuteqarneq taa-maallaat aningaasaliissutinut, taarsigassarsisup nunaatilinnngorneranik piviusunngortitsinermut ukiunut pingasunut siullernut Naalackersuisunit pilersaarutini akuersissutigineqartuni ilanngunneqartunut, atorineqarsinnaavoq.

**§ 15.** Taarsigassarsisup aningaasaqarniarnera eqqarsaatigalugu pisariaqartinneqartutut isumaqarfigineqarpat §§ 9-13-imut aalajangersakkat naapertorlugit taarsigassarsianut tunngatillugu erniat taarsersugassallu taarsersornerat kinguartinneqarsinnaavoq taarsigassarsiat pilersinneriniit ukiut pingasut angullugit. Erniat akilersornissaannut tunngatillugu akilersuinissaq kinguartikkallarneqarsimappat, kinguartsigallarnerup nalaani erniat taarsigassarsiarineqarsimasunut ilanngunneqassapput.

**§ 16.** Nerukkaatissanik siaruartigassanillu pisinermut ernialinnik taarsigassarsisitsisoqarsinnaavoq pisinermi aningaasartuutit 100%-ii tikillugit. Taarsigassarsisut arlallit ataatsimut pisinerannut atatillugu tuniniaasartunut assartuisartullu suliffiutaannut akiliinissamut qularnaveeqqusiigallartoqarsinnaavoq.  
*Imm. 2.* Imm. 1 naapertorlugit taarsigassarsiat tunniunneqartassapput taarsigassarsisup nersutaatinit toqorakkanit kinguaassiortitassanillu tunisinermigut isertitassai qularnaveeqqusiullugit.  
*Imm. 3.* Imm. 1 naapertorlugit taarsigassarsiat ukiup ataatsip ingerlanerani akilerneqarsimassapput.

### **Kapitali 3.**

#### *Ernianut tapiissutit kiisalu tapersiisarnermi atugassarititaasut*

**§ 17.** Taarsigassarsisitsisarfinnit namminersortunit pisortanillu pigineqartunit taarsigassarsiat erniaasa appartinnissaannut siusinnerusukkut inuussutissarsiutinut tapersiisarnermi malittarisassat atuuttut naapertorlugit ernianut tapiissuteqartoqarsinnaavoq.

**§ 18.** Taarsigassarsiat nalinginnaasut maleruagassiat Naalackersuisunit aalajangersarneqarsimasut naapertorlugit ernialersorneqarlutillu taarsersorneqassapput. Taarsigassarsiat naafferarlugit tunniunneqarsinnaapput.  
*Imm. 2.* Taamaallaat taarsigassarsisitsisoqarsinnaavoq isumannaallisaasoqarneratigut.

**§ 19.** Taarsigassarsiat erniaqanngitsut taarsersugassaanningsullu, taarsigassarsiat qanoq siviutigisumik taarsersornissaannut tunngatillugu kapitali 3-mi ukiut aalajangerneqarsimasut malillugit, nalikilliivigineqassapput. Tamatuma saniatigut pisaarniarnermut atatillugu ernialinnik taarsigassarsisoqarsimappat, taava taarsigassarsiat erniaqanngitsut taarsersugassaanningsullu taakkununga taarsersuinissanut tunngatillugu aalajangersakkat assinginik nalikilliliivigineqassapput.

*Imm. 2.* Nalillit pissarsiarineqarsimasut nalikilliliinissamut piffissaritinneqartup aalajangerneqarsimasup ingerlanerani taarsigassarsisitsinermi sumut atornissaannut naatsorsuutigineqarsimasut atorneqanngippata, imaluunniit taarsigassarsinermi, ernialinnik taarsigassarsinermi, taarsigassarsinermullu atatillugu qularnaveeqqusiunneqarsinnaasunut atugassarititaasut sumiginnarneqarsimappata, taava aningaasat nalikilliliissutigineqarsimanngitsut utertillugit akilerneqassapput. Aalajangerneqarsinnaavorli taarsigassarsiat uninngatiinnarneqarsinnaasut akiligassat sinnerisa siunissami ernialersorneqarnissaannik taarsigassarsiatullu ernialittut taarsersorneqarnissaannik periarfissaqartitsilluni piumasaqaatitalerlugit.

#### **Kapitali 4.**

*Taarsigassarsiat taarsersorneri, pillaammik ernialiussat aamma akiliinngikkallarnissamik  
kiisalu isumakkeerinermik atortuujunnaarsitsinernillu aaqqissuussinerit*

**§ 20.** Taarsigassarsiat ima ikilisikkiartuaartinneqassapput ukiumi taarsersuiffiusumi ukiumut amerlaqatigiissunik akilersuuteqarnertigut nalikilliliivigineqartarnertigullu.

*Imm. 2.* Qularnaveeqqusiissutitut immaqalu taarsigassarsiat imaluunniit taarsigassarsisitsisarfirmmit taarsigassarsiat erniaannut tapiissutitut tapersiisoqarsimassappat taarsigassarsiat taarsigassarsiniartarfimmilluunniit taarsigassarsiat taarsigassarsinermut isumaqatigiissummi pineqartumi aalajangersakkat malillugit ikilisinneqassapput.

**§ 21.** Inuussutissarsiutinut Tapersiisarnermi Ataatsimiititaliaq, pigisat nalillit sillimmasiunneqarsimappata, taarsigassarsianut atatillugu atugassarititaasut naapertorlugit ernianut akilersuinermik unitsitsigallarsinnaavoq qaammatit aqqaneq-marlukkuutaarlugit ukiullu tallimat angullugit sivisussusilimmi, tassa akilersuinerit erniallu siunissami akilersuinnissami angeqqatigiiaarlugit agguarneqarsinnaassammata taamaalilluni taarsigassarsiat sinneri sivisunerpaamik ukiut tallimat ingerlanerini akilerneqartussanngorlugit.

**§ 22.** Qularnaveeqqusiissutitut tapersiisoqarsimassappat atukkiisarfup Naalackersuisullu akornanni isumaqatigiissuteqareernikkut atukkiisarfik pineqartoq akiliisitsinngikkallarsinnaavoq.

**§ 23.** Tapersiiffigineqarsimasoq akiliinngikkallarnissamik qinnuteqaateqareersimappat Naalackersuisut aalajangeereertinnagit pillaatitut erniat naatsorsorneqassanngillat.

*Imm. 2.* Akiliinngikkallarnissaq nalunaarutigineqareersimappat pillaatitut erniat naatsorsorneqassanngillat taamaallaalli akilersuutinit akilereerneqarsimasussanit taarsigassarsianilu nali-nginnaasumik erniaritinneqartussatut aalajangerneqarsimasoq akilerneqartussaasorlu.

*Imm. 3.* Allatut pisoqartillugu, tassa ullup akiliiffissap kingulliup kingornatigut kingusinnerpaamik qaammat ataaseq qaangiuttoq akiligassat akilerneqarsimanngippata, pillaatitut erniat taarsigassarsiat nalinginnaasumik erniaasa saniatigut ukiumut 6%-iusut naatsorsorneqarsinnaapput.

**§ 24.** Naalackersuisut taarsigassarsiaritinneqareersimasut erniallit taarsigassarsianullu qularnaveequsiinerit taarsigassarsianut nutaanut allannqortissinnaavai pigisap nalillip taarsigassarsiaritineqartunut tunngassutillip pigineqarnissaata sinneranik naatsorsuutigineqartumik sivisunerunngitsumik akilersuiffissalerlugit.

*Imm. 2.* Immikkut ittumik pisoqartillugu Naalackersuisut, inuussutissarsiutinut tapersiissutitut akiitsut taarsigassarsianut ukiut tallimat tikillugit ernialersuisoqartussaajunnaarlugu akilersuisoqartussaajunnaarlugulu allannqortissinnaavaat kiisalu suliffeqarfiup aningaasaqarnikkut aaqqissuussivigineqarneranut ilanngullugu aningaasat akiitsut immikkullu tapiissutit isumakkeersinnaallugit, taakku peqqussut manna imaluunniit inuussutissarsiutinut tapersiisarneq pillugu siusinnerusukkut aalajangersakkat atuuttut malillugit tapiissutaappata.

*Imm. 3.* Imm. 1-imi aamma 2-mi aalajangersakkat sulliviup taarsigassarsiami akilersornissaanut tunngatillugu pisussaaffini siunissami eqqortissinnaagai uppernarsineqarsinnaappat atorineqarsinnaapput.

**§ 25.** Naalackersuisut angallatip, manna tikillugu aalisarnermik piniarnermillu inuussutissarsiuteqarnermut atorineqarsimasup, unalu peqqussut aammalu siusinnerusukkut inuussutissarsiutinut tapersiisarnernut tunngatillugu aalajangersakkat atortuusimasut naapertorlugit tapersiissuteqarfiusimasup, atortuujunnaarsinneranut atatillugu inuussutissarsiutinut tapersiissutitut akiit-sut utertinnissaannut atatillugu erniaqanngitsoortitsisinnaavoq akiliinngikkallartitsisinnaalluniluunniit. Kiisalu aamma naalackersuisut taamatut atortuujunnaarsitsinnermut atatillugu immikkut ittumik pisoqartillugu akiitsunik isumakkeersinnaapput.

*Imm. 2.* Imm. 1 naapertorlugi aatsaat tapiissuteqartoqarsinnaavoq angallatinik atortussaajunnaarsitsinnermut atatillugu taakku imatut pisoqaassuseqarpat angallammik taamaaqataanik nutaamik pisaarnermut taarsigassarsianut sivisunerpaamik piffissaq akilersuiffissaq sivisunerujumaartoq aamma tamatumunnga peqatigitillugu naatsorsuutigineqarpat angallat aningaasaqarnikkut illersorneqarsinnaasumik ingerlanneqarsinnaagunangitsaq aamma angallatip iluarsaannissaa aningaasaqarnikkut illersorneqarsinnaanngitsutut nalilerneqarpat.

*Imm. 3.* Imm. 1 naapertorlugi tapiissutit aatsaat angallatip atortussaajunnaarsinneqartup taar-tissaanik pissarsiniarnermut atatillugu tapiissutigineqarsinnaapput.

*Imm. 4.* Imm. 1 naapertorlugi tapiissutit aatsaat tunniunneqarsinnaapput taarsigassarsisup maannamut angallammik ingerlatsinera tunngavigalugu taarsigassarsiallu taarsersornissaannut atatillugu aamma angallatip teknikikkut aalisarnikkullu piukkunnassusianut tunngassumik taarsigassarsisup maanna angallatitaarnerminut atatillugu taamalu siunissami taarsersuinermini pisussaaffimminik eqqortitsisinnaasoq uppernarsineqarsinnaasutut isigineqarpat.

*Imm. 5.* Imm. 1 malillugu ukiut tallimat tikillugit ernianut akiliisussaatitaajunnaartitsisoqarsinnaavoq akiligassanillu akilersuisoqanngikkallartitsisoqarsinnaalluni, tamatuma kingorna taarsigassarsiat taarsigassarsinnermi atugassarititaasut naapertorlugit ernialersorneqassapput taarsersorneqassallutillu, angallatip atortuujunnaarsinneqartup taartissaanik angallatitaarnermut atatillugu taarsigassarsiat taarsersornissaasa sivisussusissaannit

sivisunerunngitsumik piffissalerlugit.

*Imm. 6.* Imm. 1 malillugu tapiissuteqarnermut atatillugu angallammut atortuujunnaarsinneqartumut tunngatillugu taarsigassarsianut angallat nutaaq qularnaveeqqusiunneqassaaq.

*Imm. 7.* Imm. 1 malillugu tapiissuteqarnermut atatillugu Naalakkersuisut angallatit atortuujunnaarsinnissaannut atatillugu aningaasartuutissat aningaasalersornissaannut ernialinnik taarsigassarsisitsisinnaapput. Aalajangersagaq tamanna malillugu angallammut nutaamut atatillugu taar-sigassarsiat akiitsunut ilanngunneqassapput.

*Imm. 8.* Imm. 1 - 3 aamma imm. 5 - 6 atuupputtaaq aalisariutinut raajarniarunnaarsimasunut.

**§ 26.** Taarsigassarsiallit malittarisassat tamatumunnga atuuttut malillugit angallat 75 BRT/120 BT-init mikinerusoq imaluunniit angallatit uku arlaat atorlugu GR 6-355 "Tobias Noahsen", naqinnernik ilisarnaatit OZJO, GR 7-216 "Injse", naqinnernik ilisarnaatit OUHK, GR 8-89 "Regina E", naqinnernik ilisarnaatit OUUC, raajarniarsinnaatitaasut pisassiissutinit pigisat tamakkerlugit Namminersornerullutik Oqartussanut tunniutissappatigik, pisariaqartitsineq naapertorlugu sinerissap qanittuani raajarniarnermi pisarisinnaasanut naleqqussakkamik aalisarnermik pisariaqartitsineq naapertorlugu, tamatumunnga imm. 2-miit 4-mut aalajangersakkat malillugit taarsiissutinik akiliuteqartoqarsinnaavoq. Pisassiissutinit pigisat tamarmiusut 1. januar 1997-imi pisassiissutinit pigisat atuutilerneranni taarsigassarsiallimum pineqartumik angallateqartumut tunniunneqartut minnerpaamik amerlaqatigissavaat.

*Imm. 2.* Angallat taarsigassarsisup manna tikillugu raajarniarnermut atorsimasaa ukiunit 20-nit pisoqaaneruppat, taarsigassarsiallip inuussutissarsiutinut tapersiisarfimmit taarsigassarsiai tamakkerlugit isumakkeerneqassapput.

*Imm. 3.* Angallat taarsigassarsiallip manna tikillugu aalisarnermut atorsimasaa ukiunik 20-nik imaluunniit inorlugit pisoqaassuseqarpat, taarsigassarsiallip inuussutissarsiutinut tapersiisarfimmit taarsigassarsiaasa ilaat angallatip tunineqarnerani iluanaarutigut anguneqanngitsut (matussuserneqanngitsut) isumakkeerneqassapput.

*Imm. 4.* Imm. 2 aamma 3-mi taaneqartutut taarsigassarsianik isumakkeerinerup saniatigut raa-jat tonsinngornerini tamani 1.000 kr.-nik akiliisoqassaaq, pisassiissutinit pigisat ukiumi aalisarfiusumi tunniunneqarneranni pisinnaatitsissutaasoq naapertorlugu. Akiliutigineqartut aningaasannorlugit taarsigassarsiallip nammineq atugassaatur tunniunneqassapput.

*Imm. 5.* Taarsigassarsiallip imm. 4 naapertorlugu pissai akiliisitsiniutaallutilluunniit allatut pinngitsaaliiniutaasinnaanngillat.

*Imm. 6.* Pisassiissutinit pigisat imm. 1 naapertorlugu Namminersornerullutik Oqartussanit tiguneqartut Naalakkersuisut aalajangiineratigut tuniniarneqarsinnaapput allatulluunniit atorneqarsinnaallutik tamanna pillugu malittarisassat qaqugukkulluunniit atuuttut malillugit. Pisassiissutinit pigisanik tunisinermi akigitinneqartoq aalajangerneqassaaq imm. 4 naapertorlugu pisassiissutinit pigisat pissarsiarineqarneranni akiliutigineqartumit minnerunngitsumik.

**§ 27.** Qularnaveeqqusiissutit Namminersornerullutik Oqartussat tiguneqarnerisa, umiunerup, imaluunniit qularnaveeqqusiissutit allanik pissuteqartumik

taasigassarsialimmit pigineqarunnaarnerisa kingunerisaanik qularnaveequsiissutaareersutigut pissarsiassat isumannaarneqarsimangippata, pissarsiassat erniaat naatsorsuusiorneqarunnaassapput.

*Imm. 2.* Imm. 1-imisut pisoqartillugu aammattaaq ukiumoortunik tapiissuteqartoqassaaq akiit-sunik ikilisitsissutissanik aningaasatut taasigassarsialimmit akilerneqarsimasutut amerlassusilinnik.

*Imm. 3.* Imm. 1-imi akiligassat pineqartillugit ukiut tallimat qaangiunneranni qaammatisiutit ukiuata naanerani, Naalakkersuisut akiligassat ilaat isumakkeersinnaavaat. Ilaanakortumik isu-makkeerinninnermi akiligassanik 135.000,- kr.-init ikinnerusunut ikilisitsisoqarsinnaangilaq.

*Imm. 4.* Isumakkeerinnermi tunngavigineqassaaq, taasigassarsisoq akiliinissamut ukiullu qa-ninnerpaat iluanni akiligassanik tamarmiusunik akiliinissamut periarfissaqassanngitsoq.

*Imm. 5.* Taasigassarsisup akiliisinnaanermut periarfissai makku tunngavigalugit nalilerneqassapput:

- 1) Akiligassat amerlassusiat,
- 2) taasigassarsisup inoqutaasalu nalilinnik pigisaqarnerat,
- 3) taasigassarsisup inoqutaasalu maannakkut siunissamilu isertitaqarnissamut periarfissaat, aamma
- 4) taasigassarsisup ukioqqortussusia.

*Imm. 6.* Imm. 1-mi akiligassat pineqartillugit ukiut qulit qaangiunneranni qaammatisiutit ukiuata naanerani, imm. 4-mi 5-imilu pissutsit taaneqartut assigisaannik pisoqartillugu Naalakkersuisut akiligassat tamakkiisumik isumakkeersinnaavaat. Akiligassalli tamarmiusut isumakkeerneqarsinnaanerannut tunngaviussaaq, taasigassarsisup ima akiliisimatiginissaa, akiliisinnaanermi periarfigisinnaasani naapertorlugit akiliisimassalluni.

*Imm. 7.* Imm. 3 aamma 6 naapertorlugit isumakkeerineq taamaallaat atorineqassaaq inunnut taasigassarsialinnut pineqartorpianut.

*Imm. 8.* Imm. 1-itut pisuni Naalakkersuisut akiligassat tamarmiusut isumakkeersinnaavaat, taasigassarsisoq 60-it sinnerlugit ukioqalersimappat imaluunniit pensionit utoqqarnullu angerlarsimaffiit il.il. pillugit Inatsisartut peqqussutaat naapertorlugu pensionisiaqarpat.

## **Kapitali 5.**

### *Ataatsimut aalajangersakkat*

**§ 28.** Peqqussutip aquneqarneranut malittarisassiorneq, tassunga ilanngullugit kommunit peqataanerat, Naalakkersuisunit aalajangersarneqassaaq.

*Imm. 2.* Naalakkersuisut ilinniartitaanermut, aningaasatigut, teknikikkullu piunasaqaatinut malittarisassat, qinnuteqartut ingerlanniakkallu naammassisimasassaannut aalajangersakkanut malittarisassat, taasigassarsisitsisoqartinnagu aalajangersassavaat.

*Imm. 3.* Aammattaaq Naalakkersuisut nalunaarusiornikkut taasigassarsisitsinnermi allatulluunniit tapersiissuteqarnermi tunniunneqartunut, piunasaqaatinut malittarisassanik allanik peqqussut manna naapertorlugu aalajangersaassapput.

## **Kapitali 6.**

### *Ikaarsaariarnermi atortuulersitsinermilu aalajangersakkat*

§ 29. Peqqussut manna 1. december 2001 atortuulerpoq.

*Imm.* 2. Peqatigitillugu aalisarnermut, piniarnermut nunalerinermullu tapersiisarneq pillugu Inatsisartut peqqussutaat nr. 13, 30. oktober 1998-imeersoq, aalisarnermut, piniarnermut nunalerinermullu tapersiisarneq pillugu Inatsisartut peqqussutaata allanngortinneqarneranik Inatsisartut peqqussutaat nr. 1, ulloq 31. maj 1999-imeersukkut allanngortinneqartoq atorunnaarpoq.

*Imm.* 3. Inuussutissarsiornermik tapersiisarneq pillugu Inatsisartut peqqussutaat nr. 4, 20. november 1984-imeersoq naapertorlugu inuussutissarsiutinut tapersiisarneq pillugu nalunaarutaasimasooq atuutiinnassaaq, peqqussut manna naapertorlugu aalajangersakkanik taarserneqarnissami tungaanut atuutiinnassaaq.

§ 30. Manna tikillugu inuussutissarsiutinut tapersiisarnernut maleruagassat naapertorlugit taarsigassarsiat allallu tapersiissutaasimasut Naalakkersuisunit, tapersiinerneq atillugu atugassaritinneqartutut aalajangikkat malillugit, ingerlanneqassapput.

§ 31. Inuussutissarsiornermik tapersiisarneq pillugu Inatsisartut peqqussutaata nr. 4-p, 20. november 1984-imeersup atortuulerneraniilli Namminersornerullutik Oqartussat inuussutissarsiutinut tapersiisarnernut tunngatillugu manna tikillugu maleruagassaasut naapertorlugit atukkiinernut qularnaveeqqusiinermullu tapiissuteqartarnernut atillugu pisinnaatitaaffiit pisussaaffiillu, siornatigut Naalagaaffimmit isumagisassaagaluartut pisussaaffigineqarlutillu, tiguaat. Naalagaaffiulli 1. januar 1985 sioqqullugu pisussaaffiulersut sulii akisussaaffigai. Taamatut akisussaaffeqarneq pissutigalugu aningaasartuutit Naalagaaffiup Namminersornerullutik Oqartussanit matutissallugit pisinnaatitaavoq.

*Namminersornerullutik Oqartussat, ulloq 12. november 2001.*

Jonathan Motzfeldt

/

Hans Enoksen